

۱۳۲۶ سنه ایلول ۱۳ وفی

۲۲ رمضان سنه ۱۳۲۸

پازار ایرتسی

جمعیت علمیة اسلامیه نك ناشر افکاریدر

یرمسئول :
مکتب قضاة معلملرندن
کلیسی منیر

سر محرر :
فانع مجیز درسعاملرندن
توقاد مبعوثی
مصطفی صبری

صاحب امتیاز :
فانع مجیز درسعاملرندن
استانبول مبعوثی
مصطفی عاصم

مندرجات

ادبیات	فتوای شریفه	بالموم علمای اسلامیه
قصیده صوفیان	جمعیت علمیة اسلامیه	خطاباً قلمه آلنانبیانه :
مناجات حضرت مولانادن	تألیفات و مصافحه	سلام و مصافحه
تشکر علانی	طاهر المولوی	تاریخ اسلام صحائفندن
قولرا حقنده تدابیر	احمد شوق	مسلمانلرده عالمه حیاتی



نسخه سی ۱ غروشدرد

آبونه اجرتی (پوسته اجرتیه برابر در)

مالک اجنیه ایچون :
۲۰ ، ۶۰ فرانق
» ۱۰ ، ۳۰

استانبول وولایات ایچون :
بر سنه لکی ۶۰ غروش
التی آیلنی ۳۰ »

درج اولنیمان اوراق اعاده ایدلنر

قارئلرمنزه

اکثر مقالاته آیات کریمه واحادیث نبویه درج ایدلنلش بولندیفی نظراعتباره آلنه رق رعایتسزلکده بولنلمامسی رجا اولنور .

درسعادت

محمود بك مطبعه سنده طبع اولنمشدر

(حسین واعظ) مرحوم «وارسل عالم طیاراً ابابیل» آیت کریمه سنی (واونلرک اوزرینه دریای هند ساحلی طرفدن کروه کروه قوشلر کونده ردی که غاغلری قوش غاغاسی کبی، پنجهلری کوپک پنجهسی مثلی، باشلری یرتیجی حیوانلره بکزه بر شکلده ایدی . روایت اخرایه کوره : توبلری یشیل ، غاغلری صاری بر طاقم قوشلری) دیمک اولان (وفرستاد بریشان از طرف ساحل دریای هند مرغان کروه کروه ومنقارهای ایشان چون منقار مرغ و پنجههای ایشان چون پنجه سگ و سرهای ایشان چون سر سبوع . و کویند مرغان سبز بودند با منقارهای زرد) عباره سیله تفسیر ایتدکن صوکر «ترمیم بحجارة من سجيل» آیتی ایچینده (قوشلر ، او عسکره چاموردن طاش ، یعنی تحجر ایتمش چامور آتارلردی) مألده اولمق اوزره (می افکندند آن لشکرا بسنکی از سنک کل ، یعنی کلی سنک شده) دیور .

بعض مفسرین ایسه بو طاشلرک سقوطیله اردوده امراض ساریه ظهور ایدهرک افرادک چوغنی خاک هلاکه اوزاتدیغنی یازیور هر نه ایسه :

تنوعت الاسباب والموت واحد

حقیقتنجه بو فئه باغیهدن بر قسمی همان اوراده اولمش ، بر مقداریده مجروح ومعلول اولهرق قاجارکن یوللرده دوشوب قالمشدر . ابرهنک صورت هلاکه کلنجه :

بونده ایکی روایت واردرکه برنجیسنه کوره حبشه قدر فرار ایدهرک نجاشینک حضورنده نقل ماجری ایلرکن نجاشینک :

— عجائب ! بونلر ناصل قوشلرمش که بر اردویی تنکیل ایده بیلمشلر ؟ دیمهسی اوزرینه ابرهه باشنی قالدیروب کندنی مکدن بری تعقیب ایدن بر قوشی کوسترمش وسائرلریده بونک کبی ایدی دیدیکی صیراده

امالقه اذا لم يوجد دليل التقييد وذالم يوجد بالنسبة الى تلك العلوم بل الى علم مامن حيث هو كما بقى ولو وجد فكان ذلك لامر عرضي لان العلم كما انه شريف بذاته يكون له ايضا شرف باعتبار المعلوم وباعتبار الغاية كما هو مصرح في محله فقد يكون بعض العلم باعتبار معلومه او باعتبار غايته غير شريف كالعلم بكيفية قتل النفس وبكيفية الزنا وسائر الفجور والافعال المحرمة كالسحر والكهانة والشعبذة ولكنه لا يقدح في شرف العلم من حيث ذاته واليه اشار عز شانه بقوله (وعلم آدم الاسماء كلها) اي ماترك شيئاً من الاسماء عجربها وبجرها خیرها وشرها ولا يكون ذلك الا لتعليم علوم الكائنات باسرها وكان هذا التعليم كرامة لادم عليه السلام الذي كرم الله بنيه ومديحه وتقدا وفضلا له عليه السلام على الملائكة فكيف يجوز لنا ان نقول اعلم ما ولو علماً بالفجور انه غير معدوح اذا اشرف المعلوم اوفى الغاية لافي نفس العلم وهذا معنى اسلفناه في حرمة السحر ويدل على عين المعنى (وقل رب زدني علماً) ويوضحه لك ان العلم من الصفات المشتركة بين الخالق تعالى وخلقه وهي التي يختص بهامن الخلق من تجلې فيه سر خلافة الله حسب قوله تعالى (هو الذي جعلكم خلائف في الارض) وقوله (اني جاعل في الارض خليفة) وانما الفرق بينهما بالقدم والحدوث والتأخر واللاتأخر

مابعدی وار

نَازِحِ اسْتِلاصِحَا فَنِكَ

وقعة فيل :

(مابعد)

بو قوشلر ایله آدلقلری طاشلرک کیفیت وماهیتی حقدنه بین العلما اختلاف واردر .

اغتمام ایتسیدیلر ، بالاخره سائر لرینه ده خبر ویردیلر .
قوم قریش شوسایه ده ایجه نائل وفاه اولدی .

و : حاکمست و یفعل الله مایشا

اوز عین درد انکیزد دوا

مؤداسنجه عین مصیبت اولان قدوم ابرهه ، مکلیلر
ایچین محض سعادت حکمنی آلدی .

§

(سیرة الحلیة) صاحبی وقعه فیلی یازدقدن صوکرا
« ابرهه ، بیت مکرمی تخریبه تشبثی اوزرینه مقهور
الهی اولدی ده حجاج ، مبتخیق ایله کعبه بی یقیمشکن
برشی اولمادی » [۲] سؤال واردینه حجاجک برشی
اولماسی ، مقصد اصلیمی (عبدالله بن الزبیر) ی تضییق
ایتمک اولوب اوده محاصره ائناسنده آتدینی طاشلرله
کعبه نك بر طرفی ده بیقیمش اولماسندن ایدی « ديه
جواب ویریور .

عبدعاجز دیرم که : واقعا حجاج بیت شریفی ییقمق
ایچین کلدیکی جهته قهر الهی دن مصون قالدی . فقط
دقت ایدیلیرسه شو مصونیتک پک صوری اولدینی غایت
آشکاردر . چونکه عبدالملک امونیک رضاسنی تحصیل
ایچین ابن الزبیری الده ایده جکم ديه سقف بیت اللهک
تخریب واهالی بلدة الهی حصر و تضییقدن چکیمه یین
او حریف معناً او قدر مقهور الهیدرکه بو کونه بیلله
نام اسائنی یاد ایله ییلر او نام خبیثه دزحل (ظالم)
وصف محقرنی علاوه ایدرلر . ۹۵۰ رمضانده ، یعنی
تام ۱۲۳۳ سنه اول کبردیکی حالده الان نفرت عمومیه دن
قورتولامایان وصحائف تواریخ طور دجقه قورتولامایاق
اولان بر لئیم قهر الهی دن مصون قالمش صایلاماز دکلی
کا قالت غائشة الصديقة رضی الله عنها : وای عذاب
اشد من العمی .

استطراد :

کعبه مکرمه نك حجاج طرفدن تخریبه نظیره یاییاور

قوشک آتدینی طاشلردن مقتولاً یوارلانمشدر ،
ایکنجیسنه باقیایرسه مکده اوضرادینی مرضک تأثیریه
پارماقلری وسائر اعضاسی دوکوله رک یمنه کیده بیلمش
واوراده اضطرابات الیه ایچنده ترك حیات ایلشدر [۱]
حدود حرمه متخطی اولان ابرهه وعسکرینک
من عندالله پریشان وهر برینک تخلیص جان ایچین این
المفرکویان اولدینی هنکامده عبدالمطلب حضرترلی
درکبه نك حلقه لرینه صاریلش واللهمک باب مرحمتیه
التجا ایله مشدی کوزلرندن دموع آتشین ، دوداقلرندن
شوانین حزین جریان ایدیوردی :

یارب لار جولهم سواکا

یارب فامنع منهم حماکا

ان عدوالبیت من عداکا

امنهم ان یخربوا قراکا

مناجاتی ختام بولونجه جبل ابی قیسسه چیقارق

وادی یه باقدی

عفت الدار بعد عافیة

فاسئلوا حالها عن الاطلال

لوحه سنی آندیران معسکر ابرهه ده فرد آفریده
قلمادینی کورونجه دوچارغداب قهار اولدقلرینی اکلادی
طاعدن اینوب یاتنه (ابو مسعود ثقفی) وحضرت
عثمانک پدری (عفان) ی آلدی ، اردوگاهه قدر کیتدی
اوراده بولاییلدکاری اموال واشیادان دیله دکاری قدر

[۱] بعض مورخین ، ابرهه نك (ابو یکسوم) اسمنده
برنی اردو قوماندانی تعیین ایدرک یمنه دوندیکنی یازیورلرحتی
سوزلرینی (امیه بن ابی الصلت) ک :

فعدکم منه بلاء مصدق

غداة ابی یکسوم هادی الکتاب

بیتله اثبات ایتمک ایستورلرلرسه ده ابرهه نك بالاخره برینه
کچمش (یکسوم) نامنده بر اوغلی بولندیقدن (ابو یکسوم)
کندیسی وشو حالده ابرهه ایله ابو یکسومک بر کیشی اولدینی
بناء علیه باشقه بر قوماندان تعیینی روایتنک طوغری اولمادینی
اکلاشیایور .

مشرق عرفان غزته سنده کورلشدر :

سلام و مصافحه

مال واقوامك كندیلربنه مخصوص برطاقم عاداتی اولدینی کبی هر حکومتك ، هر جمعیتك وحتى برقوم و قبیله نك بیله كندیسنه خاص برطاقم رسومی اولور . مثلاً : کره آرض اوزرنده کی بالجه اقوامك یکدیگرینه عقد سلام ایتسی عمومی برعادات ایسه ده فقط سلام ویرمك وآلمق خصوصنده اختیار اولنان اصول بردکدر . بعض اقوام سلامده یالکیز بر اشارتی کافی کوردیکی حالدہ بعضایریده برطاقم الفاظی ایفا و اعطای سلامدن عدایدرله . اورپا اقوامنك هان کافه سنده شابقه چیقارمق عادت اولدینی حالدہ شرقیلر اصلا فسه طوقونمازلر . اورپا اقوامندن هولانده لیلر سلامده شابقه لینی چیقاردقندن صکره « نردیه کیدیورسك دیرلر ؟ » آفقل ساقسونلر پك بیوك التفات ایتك ایستدکری دوستلرینك شدتله قولنی چکرلر . لهولر « بختیارمیسك » سوزینی سلام ایچون کافی کورورلر .

اقوام شرقیه دن چینلور سلامده ، ایکی اللرینی کورکسته باغلارلر و باشلرینی آشاغی به طوغری اکرلر . ژاپونیسالیر بریاغنی قالدردقندن ماعدا پابوشلرینیده چیقاریرلر .

والحاصل هرشی کبی سلام خصوصنده کی اصول و عاداتی هر مملکتك عقائدینیه و عادات مایه سی تعیین ایدر . زده سلام ایچون شرعاً بر اشارت یوقدر احکام شرعیه ده سلام ویرمك سنت اولوب ردی ایسه واجبدر . بیغمبرمنز افدمنز حضرتلری برحدیثنده « برریکزه افشای سلام ایله حال و خاطر صوروکز ! » بیوریورلر سلام ویرن کیمسه (السلام علیکم ، سلام علیکم) جمله لرندن هانکیسیله بدأ ایدرایسه ایتسون اعطای سلام ایتش اولور . زیرا ؛ قرآن کریمده (سلام) لفظی هم آمریف همده تنکیر ایله مذکوردر . را کبک ماشی به

مش کبی بر قاچ سنه اول مشهور (حافظ شیرازی) نك تره سی ، همشهریلری طرفدن ییقلمشدی سائق جهالتی سنیلک و شیعیلک غیرتی اولان شو تجاویزی اسکی غزته لرده او قودیمق وقت پك زیاده متأثر اولمش و او زمان یازمقده اولدیمق شکوفه بهارستانه سطور آتیه یی علاوه ایتشدم :

اخیراً (خواجه حافظ) ك غنوده غفران اولدینی تره والا قبه نك خاك ایله یکسان ایدلیدی اوراق حوادثده مشهود باصره تأسف اولمشدر . مشار الیه کبی ملتتک آب روی مفخرتی اولان برداهی ادبک آشعاردیداری برایه زبان عد ایدن قومی طرفدن - قبه - سنك هدمی صورتیله - حقارته اوغرامایی امشالی کورولمه مش وایشیدیلهمش بر قدر ناشناسقدر (لسان الغیب) ك تره سنی تخریب ایدنلر ، خزائنک ویرانه لرده بولنه بیله جکی روایتی اثبات ایتدیلر . اوت ایسته او مدفن حیران ینه برکنز عرفاندرکه (ترجمان الاسرار) کبی بر جوهر کرائقدر اوراده نهاند .

داها طوغروسی خواجه حافظ ، قلوب عرفاده مدفون وهر درلو ایادی تعرضدن مصوندر . ماهیت علوتی قبه سنك یوکسکلکیله قائم دکدر او ییقیلنجه نام بلندی ده زمین بستی به کوچسون . او نام اقدسه هر کونه نجاوزه قارشى خدا حافظدر . بزم ایچین یاسیله جق برشی وارسه بر جوق (لاحول ایله برابر متأسفانه شو قطعینی او قومقدر :

طاق بالاترینی حافظ شیرازینك
غم دکل بیقیدی ایسه یتشه ارباب لجاج
دأب دیرینی بودر زمرة کستاخانك
کعبه یی بیقمش ایدی سنك عناد حجاج
طاهر المولوی